

أنا الشاعر

أنا فتوة

وواخذ الشعر بالقوة

وبلا قافية

لا ب اعرف وزن ولا قافية

وب اكتب شعر بالعافية

ب اكمل شعري ع الترفة

لأن بحوره مش كافية

أنا كويس

ف شعري عمري ما ب اهيّس

ولا انافق ولا اجامل ولا اميس

وكل اللي كتب ف الشعر

من قبلي
يا دوب عامل وانا الرئيس

وخذ بالك
بدون إنذار
أنا حافظ وأنا شوقي
وأقول لك
ب ابقى برضه نزار
وخدها حلقة ف ودانك
ما فيش ف الشعر عندي هزار
ولو بالشعر تجرحني
بدال دمي تسيل أشعار

أنا مشهور

ف كل مناسبة تلقاني
ومش فارقة فرح وطهور
بحور الشعر واخذاني
ب اقول الشعر في ثواني
وغيري يكتب الشطرة
سنين وشهور

أنا المتنبى .. ومخبي
عشان طيب ومتربي
ف لم الدور
وكل ف الشعر لقمة عيش
لكن جانبي